


Таяммуминг ҳикматлари | Ҳадис дарслари (262-дарс)



19:00 / 27.12.2023 3070

هُلِّلَا يَضَرِّ دِيْعَسْ يَبَا نَع
يَفِنَ الْجُرَجْرَخَ : لَأَقُ هُنَع
هُلِّلَا تَرْضَخَ فِرَفَسْ
أُمَّمَيَاتُ فُءَامُ أُمَّهَعَمَ سِيَلَوُ

مُتَّ، أَيَّلَصَّو أَبِّيَّطَ أَدِيغَ ص
دَاعَافَ تَقَوْلَا يَفَاءَمَلَا أَدَجَّو
مَلَّوْءُؤُضُؤُلَاوَاوَالَّصَلَا أُمَّهَدَحَا
لُؤُسَرَايَاتَا مُتَّ، رَخَّالَا دِغِي
هَيَلَعُ هَلَلَا يَلَّصَّهَلَلَا
لَاقَفُ هَلَّكَلَّذَا رَكَّذَفَ مَلَّسَّو
تَبَّصَا: دِغِي مَلَّي دَلَلَا
كَلَّتَالَا صَكَّتَا زَجَاوَا هَنَّسَلَا
كَلَّ: دَاعَاوَا ضَوَاتَا يَدَلَلَا لَاقَوَا
دُوَادُؤُبَا هَاوَرَا نِيَّتَرَمَّ رَجَّالَا
مَلَّعَا هَلَلَاوَا. يِيئَا سَنَلَاوَا

Абу Саъийд розияллоҳу анҳудан ривоят қилинади:

«Икки киши сафарга чиқдилар. Намоз ҳозир бўлди. Икковларининг суви йўқ эди. Пок тупроқ билан таяммум қилиб, намоз ўқидилар. Сўнгра вақт чиқмай туриб, сув топдилар. Бас, улардан бири таҳорат ва намозни қайтарди. Бошқаси қайтармади. Сўнгра Расулulloҳ соллаллоҳу алайҳи васалламнинг ҳузурларига келиб, у зотга бўлган

нарсани зикр қилдилар. Бас, у зот қайтармаган шахсга:

«Суннатни топибсан. Намозинг кифоя қилади», дедилар. Таҳорат қилиб, намозини қайта ўқиганга эса:

«Сенга икки марта ажр берилади», дедилар».

Абу Довуд ва Насайи ривоят қилганлар.

Ушбу ҳадисдан таяммум билан намоз ўқиб, вақт чиқмай туриб, сув топилиб қолса, намозни қайта ўқимаслик афзал эканлиги келиб чиқади. Имом Шофеъийдан бошқа ҳамма уламолар шунга иттифоқ қилганлар.

Ушбу ҳадисдан олинадиган фойдалар:

1. Намозни таяммум билан бўлса ҳам, тезроқ ўқиб олишга ҳаракат қилиш зарурлиги.
2. Ижтиҳод қилиш жоизлиги.
3. Таяммум билан ўқилган намозни қайта ўқимаслик афзаллиги. Чунки у намоз ўз вақтида ҳамма шартлари бажарилган ҳолда ўқилган намоздир.

Энди ҳадисдан бошқа далилларни ҳам қўшиб, таяммумга сабаб деб келтирилган омиллар рўйхатини кўриб чиқайлик:

1. Таҳорат ва ғуслга кифоя қиладиган сувнинг йўқ бўлиши.
2. Сувни истеъмол қилишга (ишлатишга) қодир бўлмаслик (тутқун, қамалган, ваҳший ҳайвон ёки душмандан қўрққан шахслар каби).
3. Беморлик ёки дарднинг тузалиши ортга сурилиш хавфи.
4. Бор сувга ҳозир ёки келажакда эҳтиёж бўлиши.

Бор сув билан таҳорат қилиб қўйса, ҳаётини эҳтиёжга етмай қолиши.

5. Агар сув излаб кетса, моли ҳалокатга учраш хавфи бўлса.
6. Қаттиқ совуқ ёки сувнинг ўта совуқлиги.
7. Сув оладиган асбоб ёки воситанинг йўқ бўлиши.
8. Намоз вақти чиқиб кетиши хавфи.

Ислом шариатида таяммумни жорий қилишнинг ҳикматлари кўп. Аввало, таяммум осонликни кўзлаб жорий қилинган. Агар таяммумга рухсат берилмай, нима қилиб бўлса ҳам, сув топиб, таҳорат ва ғусл қилиш керак, дейилса, одамларга қийин бўлар эди. Чунки инсон ҳаётида турли ҳолатлар бўлиши мумкин. Доимо сув топилавермайди. Бундай пайтда таяммумга рухсат айтиш муддао бўлган.

Бу рухсат, ҳаттоки Исломдаги ҳар бир энгилликнинг рамзига айланиб қолган. Кишиларда осонлик томонини олиш ҳақида сўз борганида «Сув бўлмаса, таяммум», дейилган экан, энди бу ишни қилаверамиз-да», дейиш одатга айланиб қолган.

Иккинчидан, таяммум тартибни, одатланган ишни тарк қилмаслик чорасидир. Агар сув топмаган ёки буни ишлатиш имконига эга бўлмаган одамга таяммумга рухсат берилмаса, у ибодатларни вақтинча ташлашга мажбур бўлади. Бу эса унинг ёмон нарсага одатланиб қолишига сабаб бўлади. Кейинчалик сув бемалол бўлса ҳам, дангасалик қиладиган бўлиб қолади.

Учинчидан, таяммум намознинг қанчалик аҳамиятли ибодат эканлигини кўрсатади. Ҳадислардан ўрганганимиздек, таяммум асосан намозни ўз вақтида ўқиш учун жорий қилинган.

Тўртинчидан, таяммум Аллоҳнинг амрига бўйсунушнинг ёрқин намунасидир. Таяммум билан моддий маънодаги покланиш, яъни кирни кетказиш ҳосил бўлмаслиги мумкин, лекин унда Аллоҳнинг амрига бўйсунушнинг, маънавий покланишнинг олий намунаси бор.

«Ҳадис ва ҳаёт» китобининг 4-жузи асосида тайёрланди.

Ушбу китоб Ўзбекистон Республикаси Дин ишлари бўйича қўмитанинг 2022 йил 18 февралдаги 03-07/1102-рақамли хулосаси асосида чоп этилган.